



samsBiH  
САМСБИХ



**POSEBNI PRAVILNIK KRUŽNE AUTO TRKE**

# **“NAGRADA GRADA BANJALUKA 2020”**

**CEZ- šampionat**

**Šampinat Bosne i Hercegovine**

**Šampionat Srbije**

**Prvenstvo Hrvatske**

**Otvoreno prvenstvo Republike Srpske**

**AUTOMOTODROM “ZALUŽANI” – BANJA LUKA**

**ORGANIZATOR AKK"Profesional" BANJA LUKA**

**27-28.06.2020.godine**

# P R O G R A M

## PETAK 26.06.2020.

13:00 - 16:00	Plaćeni trening
16:00 - 20:00	Tehnički pregled i verifikacija vozača

## SUBOTA 27.06.2020.

<b>07:00 – 10:00</b>	Tehnički prijem vozila i verifikacija vozača nastavak
<b>11:00</b>	1. sjednica sportske komisije (žirija)
<b>11:15</b>	Brifing sa vozačima u HANGARU - obavezan za sve takmičare
<b>12:00</b>	Početak treninga
Raspored treninga će biti definisan biltenom	
<b>30 min</b> po završetku zadnjeg treninga	2. sjednica sportske komisije (žirija)
<b>60 min</b> po završetku zadnjeg treninga	Start trka za CEZ ,ŠBIH,PH i PRS
Raspored trka će biti definisan biltenom	

## N E D J E L J A 2 8 . 0 6 . 2 0 2 0 .

<b>09:00 – 10:00</b>	Warm-up trening
<b>11:00</b>	Svečano otvaranje trke
<b>11:30</b>	Brifing sa vozačima u PIT LANE-u
<b>12:00</b>	Start trka za CEZ ,ŠS, ŠBIH,PH i OPRS
Raspored trka će biti definisan biltenom	
<b>30 min</b> po završetku zadnje trke	3. sjednica sportske komisije ( žirija)
<b>60 min</b> po završetku zadnje trke	proglašenje pobjednika i dodjela nagrada

### Član 1.

AKK "Profesional" iz Banja Luke organizator je auto trke na kružnim stazama pod nazivom "Nagrada Grada Banjaluka 2020", koja je upisana u " Kalendar takmičenja 2020" CEZ , SAKSS-e,HAKS-a, SAMS BIH i SAMS RS

Takmičenje će se održati od 27.06. do 28.06.2020. godine na Automotodromu "Zalužani".

Takmičenje se boduje za:

- Šampionat CEZ u kružnim auto trkama (po trka u subotu i nedjelju)
- Prvenstvo Hrvatske (po trka u subotu i nedjelju)
- Šampionat Srbije ( jedna trka u nedelju)

- Šampionat Bosne i Hercegovine i Otvoreno prvenstvo Republike Srpske (po trka u subotu i nedjelju).

## Član 2.

Takmičenje se održava prema odredbama Međunarodnog sportskog pravilnika FIA (ISC) i njegovih dodataka (j), Pravilnika FIA CEZ , Sportskog pravilnika SAMSBIH,Pravilnika SAKSS-a ,Pravilnika HAKS-a , Pravilnika SAMSRS te ovog Posebnog pravilnika " Nagrada Grada Banjaluka 2020"

**Organizator će za vrijeme održavanja takmičenja obezbjediti sve potrebne zaštitne mjere propisne u vezi pandemije covid 19.**

## Član 3.

### ORGANIZACIONI ODBOR

Predsjednik:	Dalibor Šobot
Podpredsjednik:	Milomir Durmić
Član.:	Ranko Babić
Član.:	Mira Lolić
Član:	Predrag Likokur

### SPORTSKA KOMISIJA (ŽIRI) TAKMIČENJA

Predsjednik: Maksim Milinić	(BiH/RS)
Član:	(CRO)
Član:	(SRB)
Tehnički komesar :	Predrag Likokur

### RUKOVODSTVO TRKE

Direktor:	Ranko Šunkić
Pomoćnik direktora za bezbjednost:	Borinko Maličević
Pomoćnik direktora za suđenje:	Goran Jeremić
Sekretar takmičenja:	Dalibor šobot
Predsjednik TKO:	Darko Lukajić
Član TKO:	Predrag Likokur
Predsjednik verifikacije:	Mra Lolić
Obrada rezultata :	bilten
Mjerenje vremena	transponderi-
Voditelj parka vozača i CRO :	Igor Golub
Voditelj medicinske službe:	dežurni ljekar

## Član 4.

### OSOBE ZA KONTAKT U PRIPREMI MANIFESTACIJE

Ranko Šunkić , tel +387 66 405 120      Dalibor Šobot      +387 65 829 083

## Član 5.

### ADRESA KANCELARIJE TAKMIČENJA

- do **26.06.2020.** g. do **24:00** sati      SAMSRS Banja Luka, Knjaza Miloša bb
- **27.06-28.06.2020.** god.      Automotodrom «Zalužani»

## Član 6.

### SLUŽBENE OGLASNE TABLE

Nalazi se u parku vozača na kućici tehničkog pregleda na Automotodromu "Zalužani" i ispod "Glavne tribine" na ciljnoj startnoj ravnini

## Član 7.

### MJERENJE VREMENA

Mjerenje vremena obavljati će se transponderskim mjernim uređajima.

## Član 8.

### BODOVANJE

Takmičenje se boduje u skladu s pravilnicima navedenim u članu 1. ovog Pravilnika.

## Član 9.

### USLOVI ZA VOZILA

Na takmičenju mogu učestvovati vozači s vozilima koja su pripremljena u skladu s pripadajućim propisima iz Dodatka "J" Međunarodnog sportskog pravilnika FIA, Tehničkog pravilnika i Dodatka Tehničkom pravilniku za auto sport.

Prema radnoj zapremini motora, vozila će biti razvrstana u klase i grupe u skladu s pravilnicima navedenim u članu 1. ovog Pravilnika.

Prilikom pregleda vozila validni su tehnički propisi i TKV pojedinih ASN-a .

## Član 10.

### USLOVI ZA VOZAČE

Pravo učestvovanja na trci imaju svi uredno prijavljeni vozači koji posjeduju:

- a) vozačku licencu važeću za 2020. godinu u skladu s pravilnicima navedenim u članu 1. Ovog Pravilnika,
- b) Lijekarski karton ovjeren za 2020. godinu ne starije ovjere od 6 mjeseci,
- c) Potvrdu o uplaćenju startnini za nastup na takmičenju, koja se uplaćuje na račun AKK "Profesional" , Raiffeisen bank , ž.r. 161 045 00503300 39, ili gotovinski na dan verifikacije.

Iznosi startnine/upisnine:

- **Šampionat CEZ 100EUR po trci**
- **Šampionat BiH i Prvenstvo RS (100KM po trci)**
- **Prvenstvo Hrvatske (po pravilniku HAKS-a 1500 Kn za 2 trke)**
- **Šampionat Srbije 50Eur po trci**

- d) Vozači za nastup na takmičenju moraju biti osigurani:
- ↳ na najmanje 10.000 KM (5.000,00 EUR) za slučaj smrti,
  - ↳ na najmanje 25.000 KM (12.500,00 EUR) za slučaj trajnog invaliditeta.
- e) Uz originalnu prijavu na takmičenje obavezno je priložiti potvrdu o uplaćenju startnini za takmičenje,
- f) Vozači mogu nastupiti u dvije klase vozila ako to dozvoljava satnica i raspored takmičenja.
- g) Na treningu i trci, obavezna je upotreba homologirane zaštitne kacige, homologiranog kombinezona dugih rukava i dugih nogavica, homologiranih rukavica, homologirane potkape i homologirane obuće.
- h) Svaki takmičar – vozač, potpisom prijave za učešće u takmičenju, odriče se svih prava na naknadu vezanu za nezgode koje bi se mogle dogoditi takmičaru – vozaču ili njihovim mehaničarima tokom treninga ili trke, ili za vrijeme puta od parka vozača do staze i nazad. Ovo odricanje odnosi se na FIA, HAKS, SAKSS, SAMSBiH, SAMSRs i sva službena lica i druge takmičare – vozače ili njihove mehaničare.

### Član 11.

#### PRIJAVE

Svaki vozač- takmičar koji želi učestvovati na auto trci «Nagrada Grada Banjaluka 2020», a ispunjava uslove iz članova 9. i 10. ovog Posebnog pravilnika, mora organizatoru takmičenja uputiti popunjenu prijavu najkasnije do **Četvrtka 25.06.2020. godine** do 24,00 sata (mjerodavan poštanski pečat) na adresu: SAMSRs ul.Knjaza Miloša bb,78000 Banja Luka ili na e-mail **sogonja555@gmail.com**.

Ukoliko je prijava poslana e-mailom, original mora biti dostavljen na verifikaciji .

U prijavu moraju biti upisani svi traženi podaci. Prijava mora biti potpisana od vozača, te ovjerena od matičnog kluba. Neovjerene, nepotpune ili nejasno ispunjene prijave neće biti prihvaćene.

U slučaju da se prijava dostavlja, te startnina uplaćuje poslije redovnog roka prijava startnina se naplaćuje u dvostrukom iznosu.

Potpisom na prijavi za takmičenje , smatra se da je takmičar upoznat sa Sportskim pravilnikom SAMSRs BiH, SAMSRs RS, SAKSS i HAKS te se obvezuje pridržavati odredbi svih pravila navedenih u članu 2. ovog Posebnog pravilnika. Nepridržavanje odredbi bilo kojeg pravilnika ima za posljedicu odgovornost vozača-takmičara .

### Član 12.

#### REKLAMIRANJE

Obavezna reklama organizatora nalazi se iznad startnog broja sa obje strane vozila i biti će propisana Biltenom br: 1 i ne može se odbiti.

Neobavezne reklame organizatora biće propisane u Biltenu br: 1, a vozači ih mogu odbiti uz plaćanje naknade od 600 KM (300 EUR).

### Član 13.

#### PRIJEM, TEHNIČKI PRIJEM I VERIFIKACIJA

Prijem vozača i tehnički prijem vozila obavljat će se prema Programu takmičenja na Automotodromu "Zalužani".

Mjerodavno za utvrđivanje regularnog pristupa tehničkom pregledu i verifikaciji je vrijeme prijave vozača verifikacionoj komisiji i prijave vozila tehničkoj komisiji, a prema rasporedu iz Programa takmičenja.

Tehnički prijem, verifikacija dokumenata i ljekarski pregled vršiti će se u kontejneru koji se nalazi u parku vozača na automotodromu "Zalužani".

Tehnički prijem bit će organizovan u skladu s pravilnicima navedenim u članu 1. ovog Pravilnika.

Organizator će na vlastitu inicijativu primiti i zakašnjele vozače u odnosu na navedenu satnicu takmičenja. U tom slučaju za zakašnjenje do 30 minuta naplaćivati će se iznos od 50 KM (25 EUR), a za zakašnjenje do 60 minuta 100 KM (50 EUR). Poslije 60 minuta organizator neće primiti zakašnjele vozače.

Svaki vozač može na tehničkom prijemu prijaviti rezervni automobil ili motor, ali samo u klasi u kojoj je prijavljen za takmičenje.

Takmičarski automobil jednog vozača ne može istovremeno biti i rezervni automobil drugog ili više vozača. Pod takmičarskim automobilom jednog vozača podrazumijeva se da je prijavljen na ime vozača i s njim napravljen tehnički pregled i verifikacija.

Rezervni automobili ili motori moraju se nalaziti u servisnom parkiralištu ukoliko se ne koriste. Rezervni automobil ili motor na treningu može koristiti bilo koji vozač. Ali, od trenutka kada ga je prvi puta koristio jedan vozač, ne može ga više koristiti ni jedan od preostalih vozača kojima je taj korišteni automobil, služio kao rezervni.

U toku trke automobili se ne mogu mijenjati.

#### **Član 14.**

#### **STAZA**

Takmičenje se održava na stazi Automotodroma "Zalužani".

Dužina staze je 3.270,00 metara. Vozi se lijevi krug.

#### **Član 15.**

#### **STARTNI BROJEVI**

Vozači su na takmičenju dužni da nose definisane ( po pravilniku ASN-a dodjeljene) startne brojeve koji moraju odgovarati pravilima ASN-a. U slučaju da neki od vozača imaju iste startne brojeve TKO će dodjeliti sufix ili prefix broj takmičaru.

#### **Član 16.**

#### **PARK VOZAČA I ZATVORENO PARKIRALIŠTE**

Park vozača nalazi se u sklopu objekta automotodroma "Zalužani".

Zatvoreno parkiralište nalazi se unutar parka vozača i ograđeno je. U zatvoreno parkiralište obavezno ulazi prvih 10 vozila koja završe trku.

#### **Član 17.**

#### **SASTANAK S VOZAČIMA**

Prije početka takmičenja organizator će održati sastanak s vozačima - takmičarima, čija je prisutnost obavezna, a prema satnici iz programa takmičenja.

#### **Član 18.**

#### **TRENING**

Trening se vozi po utvrđenoj satnici i pristupaju mu samo vozači koji su izpoštovali kompletnu proceduru verifikacije i tehničkog prijema.

U toku treninga mjeri se vrijeme svakog kruga. Da bi vozač mogao nastupiti na trci, obavezan je odvesti najmanje 3 puna kruga na treningu i mora postići kvalifikacijsko vrijeme od 150 % najboljeg vremena treninga u svojoj diviziji

Žiri takmičenja može po osnovu molbe vozača dopustiti start na trci vozaču koji nije ispunio kvalifikacijsko vrijeme i to samo u slučaju:

- vozač sa iskustvom, dobar poznavalac staze na kojoj se vozi
- ispuni kvalifikacijsko vrijeme na slobodnom treningu (Warm up)

- da se ne eliminišu vozači koji su se već kvalifikovali, odnosno da propusna moć staze dozvoljava nastup

U gornjem slučaju vozač starta sa zadnje startne pozicije bez obzira na naknadno ostvareno kvalifikacijsko vrijeme.

#### Član 19.

##### DUŽINA TRAJANJA TRKA

**Trke se u skladu sa pravilnikom voze 16 (šesnaest) krugova ili 52,32 Km.**

Organizator će prije početka treninga i trke u pred startnom prostoru provjeriti sposobnost vozača i vozila koje izlaze na stazu.

Na trci se boduju samo oni vozači koji su odvezli najmanje 80% punih krugova pobjednika klase, s tim da pobjednici klasa unutar grupe moraju odvesti najmanje 60 % krugova pobjednika grupe.

#### Član 20.

##### STARTNA PROCEDURA

Start obe trke izvodi se iz mjesta.

1. Startni raspored određuje se u predstartnom prostoru 20 minuta prije vremena predviđenog za start utrke. 15 minuta prije vremena za start trke vozači napuštaju predstartni prostor, izlaze na stazu i zaustavljaju se na svojim startnim pozicijama, te gase motore.
2. 10 minuta prije predviđenog vremena za start trke vozila se iz predstartnog prostora puštaju na stazu. 10 minuta prije predviđenog starta utrke pokazuje se ploča 10 min na startno ciljnoj crti (uz zvučni signal) i zatvara se predstartni prostor, 5 minuta prije predviđenog starta utrke pokazuje se ploča 5 min na startno ciljnoj crti (uz zvučni signal).
3. Startna procedura obavlja se pomoću sljedećih pomagala: ploče: 10 min, 5 min, 3 min, 1 min, 30 sec.

Navedene ploče upotrebljavaju se uz pomoć zvučnog signala i imaju sljedeće značenje:

- ploča 5 minuta: svi osim vozača, službenih osoba i mehaničara moraju napustiti startni prostor,
- ploča 3 minuta: svi osim vozača i 2 mehaničara i osobe sa kišobranom te službenih osoba organizatora moraju napustiti startni prostor,
- ploča 1 minuta: svi osim vozača i službenih osoba starta napuštaju startni prostor, vozači pale motore svojih vozila,
- ploča 30 sekundi: 30 sekundi poslije ove ploče bit će pokazana zelena zastava i vozila kreću na krug zagrijavanja pod pratnjom vozila organizatora.

Za vrijeme navedenog kruga preticanje je zabranjeno. Ukoliko se pojedini vozač ne pridržava te odredbe, mora startati sa zadnje startne pozicije, o čemu će ga obavijestiti pomoćnik startera. Nepridržavanje uputa pomoćnika startera povlači za sobom isključenje s takmičenja.

4. Vozač koji nije u mogućnosti krenuti na krug zagrijavanja rukom obaviještava linijskog sudiju. Ako ipak uspije upaliti motor i krenuti na krug zagrijavanja, zadržava zadnje startno mjesto i ne smije preći ni jedno vozilo.  
Ukoliko nije u mogućnosti startati, vozilo mora biti odgurano u pit stop line odakle može uslijediti start prema pravilima za start iz pit stop linea.
5. Vozilo koje poslije kruga zagrijavanja nije zauzelo svoje startno mjesto, a crveno svjetlo je već upaljeno, bit će usmjereno u pit stop line, odakle će izvesti start.
6. Kada se vozači po završetku kruga zagrijavanja vrate na start, dočekuje ih sudac sa crvenom zastavom, zauzimaju svoja startna mjesta sa upaljenim motorima. Starter pokazuje ploču 5 sekundi, te 5 sekundi kasnije pali crvena svjetla. Između 2 i 5 sekundi poslije upaljenih crvenih svjetla, starter gasi crvena svjetla i time daje znak za start trke.
7. Ukoliko je neki od vozača signalizirao kvar ili nemogućnost starta, starter će upotrijebiti sljedeću proceduru:
  - A. ako crveno svjetlo nije upaljeno, na liniji starta pokazuje se crvena zastava i ploča start odgođen,
  - B. ako je crveno svjetlo upaljeno, na liniji starta pokazuje se crvena zastava i ploča start odgođen, a crveno svjetlo se gasiU slučaju A ili B startna procedura se ponavlja od 3 minute, a trka se skraćuje za jedan krug.
8. Startna mjesta bit će postavljena tako da vozač s najboljim vremenom na treningu bude na prvoj startnoj poziciji koja je na strani prve krivine, drugi lijevo ili desno ali 8 metara iza i itd.
9. U trenutku paljenja 5 crvenih svjetla na semaforu sva vozila moraju biti u stanju mirovanja. Svako kretanje prije znaka gašenja svjetla smatrati će se prijevremenim startom.  
Po povratku sa kruga zagrijavanja vozači moraju postaviti svoja vozila okomito na svoju startnu liniju, bez pomoći sudija starta, u startnu "kockicu", na taj način na nagazni sloj guma prednjih točkova na smije dodirivati njegovu startnu liniju. U slučaju da vozilo ne bude pravilno postavljeno vozač će biti kažnjen kaznom prijevremenog starta.
10. Startna procedura se snima kamerom sa video zapisom. Zapis je dostupan žiriju i direktoru takmičenja za sigurno utvrđivanje kazni preranog starta.
11. Vozač koji je skrivio odgodu starta kod ponovljenog starta mora zauzeti posljednju startnu poziciju.

#### **Član 21.**

##### **STOP AND GO KAZNA**

Mjesto za izvođenje kazne "STOP AND GO" biti će na izlazu iz PIT STOP LINE-a i obilježeno će biti gumenim čunjevima.

Ostalo u skladu sa Članom 27. Dodatka A01 Pravilnika o auto sportovima SAMSBih.

#### **Član 22.**

##### **SAFETY-CAR (VOZILO SIGURNOSTI)**

Safety car uključuje se tokom trke po odluci direktora takmičenja kada su vozači ili službene osobe u neposrednoj životnoj opasnosti, a okolnosti nisu takve da mora uslijediti prekid utrke. Način djelovanja safety car-a primjenjivat će se u skladu s odredbama članka 28. Dodatka A01 Pravilnika o auto sportovima SAMSBih.

#### **ČLAN 23.**

##### **SUHA ILI MOKRA TRKA**

U skladu sa Članom 29. Dodatka A01 Pravilnika o auto sportovima SAMSBih.

#### **Član 24.**



## **OGRANIČENJE BRZINE**

U skladu sa Članom 30. Dodatka A01 Pravilnika o auto sportovima.

### **Član 25.**

## **PRIGOVORI I APELI**

Prigovori i apeli podnose se u skladu s ISC i Pravilnikom o auto sportovima.

### **Član 26.**

## **NAGRADE**

Nagrade se dodjeljuju u skladu s pravilnicima navedenim u članku 1. ovog Pravilnika. Objava konačnih rezultata biti će obavljena po završetku trka na automotodromu "Zalužani". Informacija o uručivanju sportskih nagrada biti će dostupna na briefingu sa vozačima.

### **Član 27.**

## **ZAVRŠNE ODREDBE**

Ovaj Posebni pravilnik usvojen je na sjednici organizacionog odbora 28.05.2020.godine. Tumačenje i eventualne izmjene ovog pravilnika su u nadležnosti organizatora i žirija takmičenja.

Banjaluka, 29.05.2020. godine

Organizator:

AKK "Profesional" Banja Luka

---

Dalibor Šobot

Posebni pravilnik Kružne auto trke "NAGRADA GRADA BANJALUKA 2020" odobren je i zaveden u SAMS RS pod brojem 01-A01-20/20 od 03.06.2020. godine

SAMS RS

---

Maksm Milinić  
(zamjenik predsjednika)

SAMS BIH

---